

塞外見聞錄

地 130.27
93
21

塞外見聞錄

察哈爾八旗東至克什克勝界西至歸化城土默特
南至太僕寺等各牧廠及山西大同府朔平府邊
界北至蘇尼特及四子部落界袤延千餘里漢為
上谷郡雁門郡之北境直匈奴左王居及單于庭
後漢為烏桓鮮卑地與桓校尉治焉元魏置禦夷
懷荒柔元撫宴武川懷朔六鎮唐時突厥及奚居
之遼為歸化奉聖諸州北境及乙室訛僕括部撒
里葛等部所居金為西京路之桓州撫州等地元
為上都路興和路大同路及寧昌應昌德寧全寧
淨州集寧等路地明洪武時置開平等衛所後俱
棄為邊外地

塞外見聞錄

一

自明初元裔阿裕實理達喇退居和寧在今喀爾喀
境數傳之後去國號稱為韃靼號曰可汗至明景
泰中元裔托克托布哈之子瑪拉噶爾嗣立始稱
小王子其號皆以小王子為號成化弘治之間小
王子屢入據河套嘉靖間有小王子卜赤駐牧察
哈爾地因以名部亦曰插漢兒時諳達方強懼為
所併及從帳于遼東邊外收福餘雜部四傳至林
丹自稱胡土克圖汗漸強盛萬歷四十三年屢犯

北京圖書館藏

泰西

遼東崇禎元年乘勢犯宣大遼歲賞西馳遂侵暴諸部其所屬自台吉等俱率眾次第歸天聰八年太宗統大軍親征察哈爾林丹懼欲走往圖伯特奔至打草灘而卒明年其子崆果爾額哲率餘眾來降封為親王即其部編旗駐義州順治五年額哲卒其弟阿布鼐襲爵傳至布爾呢兄弟于康熙十四年叛討誅之後其部眾駐牧宣化大同邊城外後從征噶爾丹有功增給軍餉復以來降之喀爾喀厄魯特人編為佐領隸焉其八旗分為東西二翼東四旗曰廂黃旗又東為正白旗又東為廂

塞外見圖錄

二

白旗最東為正藍旗西四旗曰正黃旗又西為正紅旗又西為廂紅旗最西為廂藍旗凡各旗壩內官地及旗人與民人交涉事件以四旗廳及多倫諾爾廳獨石口廳張家口廳豐鎮廳寧遠廳治之其本旗事務設都統副都統及總管等員管轄察哈爾八旗分為東西兩翼駐牧地分列如左

廂黃旗 駐蘇門峯在張家口北三百四十里漢上谷北境萬全衛邊外

正黃旗 駐木孫忒克山在張家口西北三百二十里漢且如縣地後魏柔元鎮全撫州威寧縣

地明天成衛邊外

正紅旗 駐古介板拖羅海山在張家口外西北

三百七十里漢雁門郡北境明大同府邊外

相紅旗 駐布林泉在張家口西北四百二十里

漢雁門郡北境明大同府邊外

正白旗 駐布爾噶台在獨石口西北二百七十

里漢上谷郡北境明龍門衛邊界

相白旗 駐布雅阿海蘇默獨石口北二百四十

五里漢上谷郡北境明開平衛北邊

正藍旗 駐扎哈蘇台泊在獨石口東北三百六

塞外見圖錄

三

十里漢上谷郡北境全為桓州元開平明開明
衛北境

相藍旗 駐阿巴漢喀喇山在殺虎口東北九十

里漢雁門沃陽地後魏梁城郡參合地明大同

西北邊外

龔定庵論京北可居狀其時風氣與今異然其丈足
貴茲特錄之

京師春益早冬益煥客益眾土著益詐吾相北方
獨宣化府承德府之間可以居可以富可以長子
孫今夫東南草木求求然易榮也易高大也易槁

也蠹空其中雨漬其外有園圃者不規久遠不能儲以為美材宣化承德間少木木四月始榮其華肥其葉長其材堅得三頃之硯确以種木三十年而材之棟宇棺槨之利可以專數縣恒寒故腠理實恒勞故筋骨固食妖服妖玩好妖不至故見聞定居天下極北仕者賈者不取道不取道無過客矣故家室姻戚皆舊我祖我宗蹕路之所出入承德則山莊在焉近宮牆蹕路不為陋子孫如智慧亦可以窺掌故矣東南生齒密邱墓密歲歲埋之歲歲掘之故土浮故土多石少宣化承德間平地

皆巨石地氣不洩故無蚊蚋蟲蟲亦無瘟疫疔疾人畜皆壽如火山之坳縱可四百丈橫四之一可以牧牛羊犁牛牧可以代田石炭可以代薪狼狐野貓之皮可以代蠶子孫如聰慧者宜習蒙古書通喇嘛經咒習蒙古書通喇嘛經咒可以代東南書記之館教讀之師吾有丈夫子二如一夫回南一夫遷北他日魂魄其韻北乎噫吾少年營東南山居中年仕宦心中溫溫然不忘東南之山居京師既不欲久淹天意訶我人事甚我又未必使我東南從曼妙之樂也我方圖之矣丁酉十月與客

言志既送客書示兒子
定庵先生說居庸關云

居庸關者古之譚守者之言也龔子曰疑若可守
然何以疑若可守然曰出昌平州山東西遠相望
俄然而相轉相赴以至相蹙居庸實其間如因兩
山以為之門故曰疑若可守然關凡四重南口者
下關也為之城城南門至北門一里出北門十五
里曰中關又為之城城南門至北門一里出北門
又十五里曰上關又為之城城南門至北門一里
北門又十五里曰八達嶺又為之城城南門至北

門一里蓋自南口之南門至於八達嶺之北門凡
四十八里關之首尾具制如是故曰疑若可守然
下關最下中關高倍之八達嶺之俛南口也如窺
井然故曰疑若可守然自入南口城甃有天竺字
蒙古字上關之北門大書曰居庸關景泰二年修
八達嶺之北門大書曰北門鎖鑰景泰三年建自
入南口流水齧吾馬蹏涉之澁然鳴弄之則忽涌
忽沈而盡態迹之則至乎八達嶺而窮八達嶺者
古濕餘水之源也自入南口木多文杏蘋婆棠梨
皆怒華自入南口或容十騎或容兩騎或容一騎

蒙古自北來鞭橐駝與余臂行時時橐駝衝余騎
顛余亦搗蒙古帽墮於橐駝前蒙古大笑余乃私
歎曰若蒙古古者建置居庸關之所以然非以若
耶余江左士也使余生趙宋世目尚不得覩燕趙
安得與反義者相搗戲乎萬山間生我聖清中外
一家之世豈不傲古人哉蒙古來者是歲克西克
騰蘇尼特皆入京詣理藩院交馬云自入南口多
霧若小雨過中關見稅亭焉問其吏曰今法網寬
大稅有漏乎曰大筐小筐大偷橐駝小偷羊余歎
曰信若是是有間道矣自入南口四山之陂陀之

隙有護邊牆數十處問之民皆言是明時修徵稅
吏言吾固知有間道出沒於此護邊牆之間承平
之世漏稅而已設生昔之世與凡守關以為險之
世有不大駭北兵自天而降者哉自八達嶺地遂
平又五百里曰全道

定庵先生說張家口畧見昔日軍臺之弊其文曰
張家口在宣化府萬全縣北境察哈爾都統駐焉
凡効力軍臺贖罪者駐焉効力者効力軍臺也何
以駐張家口近今五十年駐張家口也昔之日稱
軍臺者何仁皇帝親北征有事蒙古純皇帝命將

西征出入蒙古故軍臺始於平噶爾丹密於追遠
瓦齊時周師密布於設定邊左副將軍時今無軍
事何以稱軍臺曰猶內廷有軍機處無事亦得稱
也軍臺起訖如何以口外察哈爾為起而北而西
北而又西以烏里雅蘇台為止凡四十八臺無軍
有臺何也通檄報也察哈爾都統與邊左副將軍
遙聲援中間哲卜尊丹喇嘛哈爾哈諸汗與理藩
院往返之檄報臺員率驛丁奉之走驛丁受轄受
此也臺員効力効此也駐張家口何名曰戍張家
口也張家口烏用戍曰旅焉而已有財三年估無

財三年旅問何所始也始於臺員有老病者畏塞
外之寒且勞入資充公白都統許之以其資賴蒙
古代之勢也情也非法也亦無臺費之名亦不上
聞今臺費上聞臺費行而臺員除矣如有人不能
出臺費願充臺員今許之乎不反許又如有人願
亦出臺費亦充臺員則許之乎亦不許何以不許
都統但聞五十年事不聞康熙事不聞乾隆初年
事王元鳳天下士也為桂陽州知州下車擣豪蠹
大創之又平徭有奇功天子嘉之錫之孔雀翎擢
為陳州府知府元鳳入覲方留京師而州大猾夜

出境為飛語達京師竟聞天子天子使使鞠之使
者受單詞當元鳳以革職發往軍臺効力贖辜是
獄也冤元鳳者丰天下元鳳獨飛揚大喜心就達
時謂送吏曰元鳳足跡徧中華獨未得西北塞外
一見聖朝中外為一之盛吾此行甘騎橐駝佩短
刀往來風沙中龔自珍屬之曰吾為蒙古圖志某
部落某山尚未有圖子皆為我國之龔自珍亡假
五日送之居庸關逾八達嶺而反既聞兵部尚書
青陽王公言近日事例如此既又聞常熟將軍言
吾嘗以謹行卧三年納貨乃還如尚書言既又得

王元鳳書果如尚書言吁天下事名實不相應什
九如是哉元鳳又言吾到戍三日獨騎橐駝懷筆
墨至大禁門欲出門有叱之而止

姚伯昂先生竹葉亭雜記云塞外竹枝詞註云基城
主人俚調先曾王父曹州公戲作也自識云盧抱
孫出塞集有竹枝詞十三首工妙異常惜不盡夷
民情事故補寫之其已道者不及也續貂之謂所
不計云

到此寧教心不灰非風即雪更塵埃
氊幃幾處山坳裏一似生人作夜臺

夷民所處盡蒙古包多在山坳中以避風雪上
去下圓頂微平圍以白氊渾似墓塚

席地鋪氊幾片氊羊羔牛犢繫當前中央不是尋
常火冬夏無分馬糞然

以氊鋪地坐卧皆在其中中設篝火一爐以便
炊爨牛犢羊羔亦繫于側

鮮品何由到大荒夕餐一碗半稀湯頻年酥迭差
生活雖具人身實可傷

夷地菜蔬一無所有以牛羊駝乳為食呼奶茶
為酥迭差富厚者傍晚煮粟米稀湯一餐長年

塞外見聞錄

九

如此誠可憐也

釀成馬乳不須沽一品波羅韃辣酥劇飲何嘗分
晝夜從教醉倒在泥塗

以馬乳釀酒每飲必爛醉而已其波羅辣酥甚
佳

家家來牧牝牛羊幾處山頭下夕陽鄂博遙看知
遠近如飛一騎馬蹄忙

夷人每出必騎騎必馳騁壘小石于山巔為之
鄂博以誌遠近

偶爾驚聞忒默鳴鳴咽咽作哀聲淒涼境界傷

心淚鐵石肝腸亦動情
呼駝為忒默

焉知地獄與天堂一定身屍飼犬狼曾是眾生都
不若尚教麻海落人腸

夷人死後必棄之野以飼犬狼食之速者謂登
仙不食則謂成鬼人皆畏之肉名麻海

入門摩六各先施卜而汗尊西北陸幾卷靈文勤
捧誦慈雲妄想見牟尼

夷俗呼佛為卜而汗叩首為摩六各

男女咸欽是喇嘛恪恭五體拜袈裟頂心一掌殊

塞外見聞錄

十

驕貴佛在何方莫認差

見喇嘛必五體投地如拜佛然拜畢將頭頂就
其側喇嘛則以手撲其頂男女皆然謂其五指
有五尊佛在其荒誕如此

見面捫都禮數恭羨烏纜罷又斟鍾瓜田李下尋
常事幕內公然溫榻濃

相見云捫都問好之詞也睡謂溫榻投宿者無
論識與不識同處一幕

異世何曾見沐湯肌膚垢污齒牙黃焉支枉自誇
顏色那得消魂別有香

男女自出胎一洗終身不知沐浴
裝飾珊瑚髻髮垂羊裘狐帽賽男兒
弓鞋笑說全
蓮步手製新靴嵌綠皮

婦人不束腰帶穿髻髮飾以珊瑚

對人也拜作嬌羞叩肯連聲不轉頭
臨上馬時纔
一笑故翻纖手掩雙眸

呼閨女為叩肯皆善騎

見慣衣粧別樣新一搬孌娜小腰身
歸時莫教雙
鬟侍惟恐釵裙吃異人

遠出龍沙已二年幾回搔首向南天
不須更作蓬

塞外見聞錄

十一

萊想但到中華便是仙

後識云夷人無從翻譯篇中夷語不過就其音而
書之字之確否不得而考也元之按蒙古語奶茶

當為酥台差近差音差即茶也台訓有言茶中有酥

也呼駝為忒默近默音肉當為禡哈佛當為布爾汗

近上叩首當為摩爾郭問好當為捫都捫音睡為

溫塔溫近去聲塔近他字上聲閨女當為叩肯

桐城姚介石太守歸庵記

姚介石名興滇桐城巨族曹州太守乾隆己巳有
軍臺之役軍臺者準噶爾蠢動設置塞北之郵遞

也自張家口出關至鄂爾坤新城共二十九臺長
亘三千餘里委蛇曲折臺丁就水草遷徙不常其
實不止此也每臺處蒙古十七家于其間每年出
資以養之介石派往二十二臺踰瀚海西北更十
餘程地名桃李榆木不生鳥獸絕迹悲風晝夜呼
號飛沙朝夕霾霧飲酪食惟腥毳幕荒涼孤身寥
寂冰山雪窖酷冷奇寒介石居常以命數自安處
之尚覺坦然惟是其俗人物故後棄于荒野聽犬
狼食之如食之速則以為魂魄登仙不食則謂成
鬼道矣人即畏之富厚之家亦不數日血肉未乾

即火而棄之葬事固未之聞棺木從不之識介石
以清白之軀既貧且老既老且病託迹窮廬草霜
風燭未可定也固不敢以父母遺體飼犬狼即委
之灰燼亦所不忍聞北千里外爾登兆其地阡木
稍可因託人購之木價二兩八錢運價八兩倘命
數已定全屍而南不亦幸與語云生寄死歸故願
其前曰歸庵題之曰姚介石之柩僥倖生還作將
來一段佳語未為不可或謂之癡或謂之達不問
也時乾隆十五年庚午介石年五十有六歸庵成
因為之記并附以詩

死歸生寄兩茫茫不識他鄉與故鄉五十六年都
是幻于今撇却是皮囊

庚午九月十九日介石自記并書

大境門外八里許道北有一山俗名南天門頂有
石門其形圓天晴則中分為兩半圓形陰雨則合
安邱周健龍有詩云一角石門雲際啟土人嘉號
錫南天

烏珠穆沁部 遼上京道北境金屬北京路元屬上
都路明入于蒙古元太祖十六世孫圖魯博羅特
由杭愛山從牧瀚海南子博弟阿喇克繼之其第

塞外見聞錄

十三

三子翁袞都喇爾號所部曰烏珠穆沁

舊作烏
朱穆秦有

左右翼二旗其少子多爾濟號車臣濟農初服屬
察哈爾林丹汗不道偕兄子色梭從牧瀚海北依
喀爾喀清天聰九年大軍收察哈爾偕車臣汗浩
齊特蘇尼特諸部通貢崇德二年率屬由喀魯倫
來歸六年封札薩克和碩親王留車臣號世襲罔
替札薩克駐巴克蘇爾哈台山左翼旗多爾濟從
子色梭父綽克圖號巴圖爾諾顏翁袞都喇爾之
長子也色梭號額爾德尼台吉崇德二年來歸順
治三年封札薩克多羅貝勒留額爾德尼號世襲

因替駐鄂爾虎河之側奎蘇陀羅海所部與浩齊特蘇尼特阿巴噶阿巴哈納爾諸部統盟于錫林郭勒

浩齊特部 遼上京道西境金屬北京路元屬上都路明入蒙古元太祖十六世孫圖嚕博羅特再傳至庫登汗號所部曰浩齊特舊作蒿二旗名翼旗齊威庫登汗長孫奇塔特札幹在稜上謝圖早卒子二長噶爾瑪色旺其母圖奎以避察哈爾率二子依喀爾喀車臣汗碩壘遂為所屬順治八年噶爾瑪色旺率弟班弟墨爾根楚琥爾及其屬千三百餘

人棄喀爾喀來歸十年封札薩克多羅郡王掌右翼世襲因替左翼旗庫登汗次孫奇塔特昆杜稜額爾德尼車臣楚琥爾子博羅特號額爾德尼諾木齊禮避察哈爾依車臣汗碩壘清崇德二年來歸順治三年封札薩克多羅貝勒留額爾德尼號七年晉郡王世襲因替駐特古力克呼圖克湖欽隸錫林郭勒盟

蘇尼特部 漢上谷及代郡北境後漢烏桓鮮卑居之晉為拓跋氏地隋唐時為突厥所據遼置撫州金因之屬西京路元為興和路地明入蒙古元太

祖十六世孫圖魯博羅特再傳至庫克齊圖墨爾根台吉號所部曰蘇尼特二旗右翼旗庫克齊圖長子布延輝台吉子綽爾袞居蘇尼特西路服屬于察哈爾後徙瀚海北依喀爾喀崇德三年綽爾袞子素塞率屬來歸七年授札薩克多羅郡王掌右翼世襲罔替左翼旗布延輝台吉少子布爾海楚琥爾子塔巴爾達爾漢和碩齊居蘇尼特東路初服屬察哈爾後亦北徙依車臣汗崇德四年塔巴海子勝機思號墨爾根台吉率屬自喀爾喀來歸五年尚郡主授和碩額駙六年封札薩克多羅

郡王留墨爾根號世襲罔替順治三年以叛削五年悔罪乞降所至死詔宥前罪以其弟勝機特襲除墨爾根號其爵自勝機特後仍勝機思子孫承襲隸錫林郭勒盟

阿巴噶部 晉為拓跋氏地隋唐時為突厥所據遼為上京道西境金屬北京路元屬上京路明入蒙古元太祖弟布格博勒格圖十七傳至巴雅思瑚布爾古特長子塔爾尼庫同號所部曰阿巴噶舊作

阿巴 二旗左翼旗塔爾尼庫同曾孫多爾濟號額齋格諾顏初屬察哈爾後徙瀚海北克魯倫河界

依喀爾喀崇德四年率屬來歸六年授札薩克卓
里克圖郡王世襲罔替右翼旗多爾濟額齊格諾
顏從孫都里噶爾祖額爾德尼圖們號札薩克圖
諾顏諾塔爾尼庫同之長孫也父布達什哩號東
臣札薩克圖都思噶爾初號巴圖爾濟農亦避察
哈爾北徙順治八年來歸封札薩克多羅郡王世
襲罔替隸錫林郭勒盟

阿巴哈納爾部 漢上谷郡北境晉為拓跋氏地隋
及唐初為突厥所據遼為上京道西境金為北京
路西北境元屬上都路明入蒙古元太祖弟布格

塞外見聞錄

十六

博勒格圖十七傳至巴雅思瑚布爾古特次子諾
密特默克圖號所部曰阿巴哈納爾二旗右翼旗
諾爾特默克圖曾孫色梭墨爾根初依喀爾喀駐
牧克魯倫河界康熙初慕化徙瀚海南牧綽諾陀
羅海近內汎遣之弗去五年携眾千三百餘至阿
巴噶右翼牧地乞歸誠詔元六年封札薩克多羅
貝勒世襲罔替左翼旗札薩克固山貝子與阿巴
噶左翼旗同游牧色梭墨爾根弟棟伊思喇布康
熙四年携眾二千餘來歸授札薩克固山貝子世
襲罔替隸錫林郭勒盟